

ESTATUTOS de “GRUMICO, GRUPO DE PERSOAS CON DISCAPACIDADE DA CORUÑA”

CAPÍTULO I DENOMINACIÓN, FINS, DOMICILIO E ÁMBITO.

Artigo 1.- Ao amparo do artigo 22 da Constitución, ao establecido na Lei Orgánica 1/2002 do 22 de marzo reguladora do Dereito de Asociacións e pola demáis lexislación existente en materia de Asociacións que lle sexa aplicable, así como polo previsto nos presentes estatutos; constituirase e rexererase a entidade denominada Grupo de Persoas con Discapacidade da Coruña, en diante “GRUMICO”.

Artigo 2.- Esta Asociación constitúese por tempo indefinido. Non obstante, a Asemblea Xeral poderá, en cumprimento dos requisitos previstos na Lei e nos presentes Estatutos, acordar en calquera tempo a súa disolución e liquidación, así como a fusión ou a escisión noutra ou outras asociacións.

Artigo 3. – A existencia desta asociación ten como **obxectivo principal** promover, coordinar e reivindicar a defensa dos dereitos das persoas con discapacidade física, a fin de conseguir a súa plena inclusión e participación en todos os eidos da sociedade, así como a mellora da súa calidade de vida a través de servizos de asesoramento, intervención e rehabilitación.

GRUMICO defíñese como unha entidade que carece expresamente de ánimo de lucro, independente e libre, aconfesional, apartidista, non gobernamental, de carácter voluntario e poderá solicitar a súa declaración de Utilidade Pública.

A asociación deberá funcionar sobre os principios de democracia interna, solidariedade e plena transparencia na xestión e actuación da entidade e dos seus socios/as.

Os **fins principais** de GRUMICO son:

1. Defender a dignidade e os dereitos das persoas con discapacidade.
2. Promover a plena inclusión das persoas con discapacidade (educativa, laboral, familiar e social).
3. Defender o dereito á vida independente e o desenvolvemento autónomo das persoas con discapacidade.
4. Promover a lexislación axeitada que mellore a situación do colectivo.
5. Participar na orientación, coordinación e impulso do Movemento Asociativo no que estea integrado GRUMICO con criterios de solidariedade.
6. Reunir e difundir información xeral e especializada sobre os problemas das persoas con discapacidade, e da discapacidade en xeral.
7. Desenvolver programas e actividades, dentro da propia discapacidade, dirixidos específicamente á atención da muller.
8. Desenvolver programas e actividades relacionados co fomento e participación do Voluntariado Social.
9. Promover e poñer en funcionamiento todo tipo de iniciativas deportivas para persoas con discapacidade.
10. Promover e poñer en funcionamiento todo tipo de iniciativas culturais, educativas e de lecer orientadas ás persoas con discapacidade.



11. Calquera outro que, de xeito directo ou indirecto, poida contribuir ao cumprimento da misión de GRUMICO ou redundar no beneficio das persoas con discapacidade.

Artigo 4. – Para o cumprimento dos fins propostos, a asociación, realizará as **actividades** seguintes:

- a) Promoción e utilización de todos os medios lícitos de información, formación e difusión para dar a coñecer os problemas das persoas con discapacidade e o seu entorno.
- b) Fomento da unión das persoas con discapacidade.
- c) Participación de GRUMICO en federacións de asociacións e outros grupos representativos nacionais de persoas con discapacidade, sen perda da súa identidade propia, en orde a conseguir os fins propostos no artigo 3º.
- d) Colaboración cos organismos e entidades existentes que teñan relación coa problemática das persoas con discapacidade.
- e) Realización de campañas de concienciación social co obxectivo de concienciar sobre as barreiras coas que se atopan as persoas con discapacidade e de rachar cos prejuízos e estereotipos existentes.
- f) Fomento de programas de voluntariado.
- g) Promoción de actividades lúdicas, culturais e de deporte adaptado para as persoas con discapacidade.
- h) Integración, creación e promoción de centros educativos, ocupacionais, profesionais, residencias, vivendas tuteladas e de protección oficial ou calquera outro centro que teña unha tipoloxía autorizada por Lei; na que primen a inserción socio-laboral das persoas con discapacidade conforme a lexislación vixente.
- i) Promoción de centros laboráis, incluídos os centros especiais de emprego; participando promovendo e creando iniciativas empresariais que primen a inserción laboral das persoas con discapacidade, en postos de traballo adaptados ás súas capacidades e en condicións de igualdade, de deberes e dereitos cos demás traballadores, conforme a lexislación vixente en todos os casos, priorizando:
 - Os Centros Especiais de Emprego dos que a titularidade maioritaria pertenza a unha asociación sen ánimo de lucro e os seus beneficios repercutan íntegramente nos/as propios/as traballadores/as con discapaciade e/ou na labor social de dita asociación.
 - Os Centros Especiais de Emprego que adopten a forma xurídica de Cooperativas ou Sociaedades Laborais, sempre e cando os beneficios repercutan íntegramente no propio cadre do persoal do Centro ou nunha asociación sen ánimo de lucro pertencente ao Movemento Asociativo.
- j) GRUMICO valerase de calquera outro medio lícito que lle serva para a consecución dos fins propostos.

Artigo 5. A asociación establece o seu domicilio social, a efectos legais, na Coruña, R/ Rafael Alberti, 10-Baixo 15008 A Coruña.

O cambio de domicilio social requerirá a aprobación da Asemblea Xeral.

GRUMICO poderá abrir delegacións en todos aqueles lugares que acorde a Xunta Directiva. A apertura de Delegacións será presentada, para a súa ratificación, na primeira Asemblea Ordinaria ou Extraordinaria que se celebre.



O ámbito territorial no que GRUMICO vai realizar principalmente as súas actividades é provincial, sen embargo poderá ser modificado en atención ás necesidades do colectivo de persoas con discapacidade.

Ademáis poderá pertencer e actuar con outras organizacións de ámbito provincial, autonómico, estatal e internacional.



CAPITULO II ÓRGANO DE REPRESENTACIÓN

Artigo 6. – A asociación será xestionada e representada por unha Xunta Directiva formada polos seguintes membros:

- Presidente/a
- Vicepresidente/a
- Secretario/a
- Tesoureiro/a
- Vogais, nun número nunca inferior a cinco.

Todos os cargos que componen a Xunta Directiva serán voluntarios e non remunerados, sen prexuízo do dereito a ser indemnizados polos gastos que lles ocasione o cumprimento das súas funcións, previa aprobación dos mesmos e xustificación documental.

Todos os membros da Xunta Directiva terán voz e voto neste órgano, sen poder exercer votos delegados. En caso de empate nas votacións, o/a Presidente/a terá un voto de calidade.

Estes cargos serán designados e revogados pola Asemblea Xeral Extraordinaria e o seu mandato terá unha duración de 4 anos.

Artigo 7. – Os cargos poderán causar baixa por:

1. Renuncia voluntaria comunicada por escrito á Xunta Directiva.
2. Expiración do mandato.
3. Por causa ou disposición legal.
4. Por expulsión a causa de:
 - Incumprimento das obrigas que tivesen encomendadas.
 - Incumprimento dos acordos adoptados polos Órganos de Goberno.
 - Desenvolver unha actuación perjudicial e grave para os intereses de GRUMICO.

A expulsión como membro da Xunta Directiva de GRUMICO só poderá producirse previa audiencia do/a interesado/a e terá efectos definitivos a partir do momento no que se produza o acordó por parte da Asemblea Xeral Extraordinaria.



Artigo 8. - Os membros da Xunta Directiva que esgotasen o prazo para o cal foron escollidos, continuarán ostentando os seus cargos ata o momento en que se produza a aceptación dos que os substitúan.

Artigo 9. – A Xunta Directiva reunirase como mínimo unha vez cada trimestre, cantas veces o determine o/a seu/súa Presidente/a, ou a petición do trinta por cento dos seus membros. A reunión da Xunta Directiva quedará constituida coa asistencia do 30% dos seus membros. Para que os acordos sexan válidos, deberán ser tomados por maioria de votos. En caso de empate, o voto do/a Presidente/a será de calidade.

O cargo de directivo/a ostentase a título persoal, polo que cando non sexa posible a asistencia só poderá delegarse a representación noutro membro da Xunta Directiva, no caso de asistencia a actos da entidade.

Cando o estime oportuno a Xunta Directiva ou o/a Presidente/a poderán acudir á reunión da mesma, persoas non pertencentes a ela con carácter de asesores.

Poderá crearse unha **Comisión Permanente** que terá a misión de exercer cotidianamente e de maneira máis ágil o goberno de GRUMICO. A composición da mesma será establecida por acordó da Xunta Directiva.

Artigo 10. – Facultades da Xunta Directiva

As facultades da Xunta Directiva estenderanse con carácter xeral a todos os actos propios da finalidade da asociación. Corresponde a Xunta Directiva:

1. Executar os acordos da Asemblea Xeral.
2. Dirixir as actividades sociais e levar a xestión económica e administrativa da asociación, acordando realizar os oportunos contratos e actos.
3. Formular e someter a aprobación da Asemblea Xeral os balances e as contas anuais.
4. Resolver sobre a admisión de novos/as asociados/as e acordar a suspensión temporal dos dereitos dalgún/nha socio/a.
5. Determinar a orde do día da Asamblea Xeral.
6. Cubrir, con carácter provisional, as vacantes que se produzcan na Xunta Directiva.
7. Nomear Presidente/a e socios/as de Honra, así como admitir as/os socios/as Colaboradores/as.
8. Nomear delegados para algunha determinada actividade da asociación.
9. Aprobar a creación de delegacións de GRUMICO.
10. Interpretar os presentes estatutos.
11. Calquera outra facultade que non sexa da exclusiva competencia da Asemblea Xeral de socios/as.
12. En xeral, todas aquelas actividades ou acordos que redunden no beneficio de GRUMICO dos que terá que dar conta a Asemblea.

Artigo 11. – Presidente/a.

Terá as seguintes atribucións:

1. Representar legalmente á asociación perante toda clase de organismos públicos ou privados.
2. Convocar, presidir, e erguer as sesións que celebre a Asemblea Xeral e a Xunta Directiva, así como dirixir as deliberacións dunha e outra.
3. Ordear pagamentos con cargo aos fondos de GRUMICO. Levar a sinatura social conciuntamente co/a Secretario/a ou o/a Tesoureiro/a.
4. Autorizar coa súa sinatura documentos, actas e correspondencia
5. Velar pola execución dos acordos adoptados na Asamblea Xeral e na Xunta Directiva.
6. A retirada dos fondos de GRUMICO depositados en entidades bancarias, para o que precisará a sinatura do/a Secretario/a ou do/a Tesoureiro/a.
7. Subscribir contratos en nome de GRUMICO, outorgar poderes a terceiros, exercitar acción e opor excepcións diante dos órganos da xurisdicción ordinaria e especial, aceptar doazóns, legados e heranzas, aceptar endosos, recibir subvencións e realizar calquera outro acto equivalente de interese para os fins de GRUMICO.
8. Coidar do debido cumprimento dos Estatutos, dos fins e principios de GRUMICO.

Artigo 12.- Vicepresidente/a.

Substituirá ao Presidente/a en ausencia deste/a, motivada por doença ou calquera outra causa, e terá as mesmas atribucións. Así mesmo poderá asumir todas aquellas funcións do/a Presidente/a que este/a delegue nel/a.

No caso de substitución definitiva, esta sería aos efectos tan só ata a convocatoria de novas eleccións.

Artigo 13.- Secretario/a

Terá a cargo seu a dirección dos traballos puramente administrativos da asociación. As súas función son:

1. Expedir certificacións co visto e prace da Presidencia.



2. Custodiar os libros da asociación legalmente establecidos e o ficheiro de asociados/as.
3. Custodiar a documentación da entidade, facendo que se cursen as comunicacóns sobre a designación de xuntas directivas e demais acordos sociais inscribibles nos rexistros correspondentes.
4. Redactar as actas das Asembleas Xerais e da Xunta Directiva.
5. Preparar os puntos que teñen que tratarse nas Asembleas Xerais.
6. Constituir e retirar os depósitos, abrir contas e retirar os fondos, sendo necesaria a sinatura do/a Presidente/a.
7. Asegurar o cumprimento das obrigas documentais nos termos que legalmente correspondan.

Artigo 14.- Tesoureiro/a.

As súas funcións son:

1. Custodiar e levar libros de Contabilidade.
2. Comunicar á Xunta Directiva o incumprimento ou irregularidades que se poidan producir nos cobros, pagamentos e, en xeral, na xestión económica de GRUMICO.
3. Recadar e custodiar os fondos pertencentes á asociación e dar cumprimento as ordes de pagamento que expida o/a Presidente/a.
4. Elaborar os orzamentos anuais e facer as correspondentes previsións de futuro.

Artigo 15.- Vogais.

Terán as seguintes obrigas:

1. Asistir ás reunións da Xunta Directiva.
2. Ostentar a representación da Xunta Directiva nas comisións que se poidan formar para cumplir os fins que marcan os Estatutos.

Artigo 16.- As vacantes que se puidesen producir durante o mandato de calquera dos membros da Xunta Directiva serán cubertas provisionalmente entre ditos membros ata a elección definitiva pola Asemblea Xeral Extraordinaria.



CAPITULO III ASEMBLEA XERAL

Artigo 17.- A Asemblea Xeral é o órgano supremo de governo da asociación e estará integrada por:

- a) Os/as socios/as de dereito de GRUMICO con voz e voto.
- b) Tódolos/as compoñentes da Xunta Directiva da asociación. O/a Presidente/a e o/a Secretario/a da Xunta Directiva tamén o serán da Asemblea Xeral.

A asistencia e participación na Asemblea Xeral é con carácter xeral indelegable. De modo excepcional, o voto poderá ser delegado, cando existan motivos de enfermidade que imposibiliten a asistencia á Asemblea.

Como máximo cada membro da Asemblea poderá ostentar un voto delegado. A delegación do voto farase por escrito, facendo constar expresamente o nome do/a representante e representado/a.

- c) Todos/as os/as socios/as de dereito de GRUMICO terán dereito a voz e voto.
- d) Non poderán ser membros da Asemblea Xeral todos/as aqueles/as socios/as que directamente ou indirectamente mediante o seu cónxuge ou relación análoga, parentes por consanguinidade ou afinidade ata o segundo grao inclusive, estean realcionados/as con centros Especiais de Emprego con Ánimo de Lucro ou calquera outra actividade profesional, empresarial ou industrial que puidesen dar lugar a un conflicto de intereses.
- e) Poderán asistir ás reunións da Asemblea, previo acordó da Xunta Directiva, con voz pero sen voto, e a título de invitados, todas aquelas persoas que se considere poidan aportar xuízos ou informacións técnicas útiles e importantes para as decisións deste órgano.
- f) Á Asemblea Xeral poderán asistir con voz pero sen voto, os/as socios/as de Honra.

Artigo 18.- As reunións da Asemblea Xeral serán Ordinarias e Extraordinarias. A Ordinaria celebráse unha vez ao ano dentro dos catro meses seguintes ao peche do exercicio. As Extraordinarias celebrásense cando as circunstancias o aconsellen, cando a Xunta Directiva o acorde ou cando o soliciten por escrito unha décima parte dos/as asociados/as de pleno dereito.

Artigo 19.- A convocatoria da Asemblea Xeral realizarase por escrito expresando o lugar, día e hora da reunión así como a orde do día con expresión concreta dos asuntos a tratar.

Entre a convocatoria e o día sinalado para a celebración da Asemblea en primeira convocatoria haberán de mediar ao menos quince días, podendo así mesmo facerse constar se procedese a data e hora en que se reunirá a Asemblea en segunda convocatoria, sen que entre unha e outra poida mediar un prazo inferior a media hora.

Artigo 20.- A Asemblea Xeral, tanto Ordinaria como Extraordinaria, quedará válidamente constituída en primeira convocatoria cando concorran a ela un tercio dos/as asociados/as con dereito a voto, e en segunda convocatoria calquera que sexa o número de asociados/as con dereito a voto.

Para que os acordos sexan firmes e executivos será necesaria a mayoría simple das persoas presentes ou representadas, é dicir, cando os votos afirmativos superen aos negativos, non sendo computables a estos efectos os votos en branco nin as abstencións.



Nos supostos de disolución, modificación de estatutos, disposición e enaxenación de bens e remuneración dos membros do órgano de goberno, será necesario que sexan aprobados por a lo menos dous tercios dos votos.

De toda a Asamblea Xeral levantarase acta no libro correspondente, e nela farase constar o número de asistentes, os asuntos tratados e os acordos adoptados, indicando votos a favor, en contra, abstencións e votos en branco e particulares. Para que os acordos sexan firmes e executivos, a acta deberá estar subscrita por o/a Presidente/a e o/a Secretario/a.

As certificacións de tales actas, así como os testemuños dos acordos nelas contidos spediranse, cando proceda, coa firma do/a Secretario/a e o visto e prace do/a Presidente/a.

Artigo 21.- Son facultades da Asemblea Xeral Ordinaria:

1. Coñecer e aprobar os Plans de actuación de GRUMICO.
2. Aprobar os orzamentos de ingresos e gastos de cada exercicio a conta de liquidación de tales orzamentos e a disposición de bens. Así mesmo, examinar e, no seu caso, aprobar o balance de situación de cada exercicio.
3. Examinar e, no seu caso, aprobar a Memoria que cada ano deberá presentar a Xunta Directiva.
4. Fixar, a proposta da Xunta Directiva, as cotas de calquera tipo que deban aboar os/as socios/as.
5. Establecer o réxime disciplinario.
6. Adoptar resolución sobre os asuntos que figuren na Orde do Día.
7. Dirimir toda discrepancia que xurda entre un/nha ou máis socios/as ou calquera órgano de GRUMICO, como igualmente as cuestións que xurdan sobre a interpretación de estes Estatutos ou dos acordos adoptados polos distintos órganos de GRUMICO.
8. Calquera outra que non sexa da competencia exclusiva da Asemblea Extraordinaria

Artigo 22.- Corresponde á Asemblea Xeral Extraordinaria:

1. Nomeamento dos membros da Xunta Directiva de acordo co previsto nestes estatutos.
2. Modificación dos estatutos.
3. Disolución da asociación.
4. Ratificación da expulsión de socios/as de GRUMICO.
5. Constitución de federacións ou integración nelas.
6. Disposición ou alleamento de bens integrantes do inmobiliado.



CAPITULO IV SOCIOS/AS

Artigo 23.- Poderán pertencer á asociación aquelas persoas con capacidade de obrar que teñan interese no desenvolvemento dos fins da asociación.

Artigo 24.- Dentro da asociación existirán as seguintes clases de socios/as:

- a) Socios/as Fundadores/as, que serán aqueles/as que participen no acto de constitución da asociación.
- b) Socios/as de Número, que serán os/as que ingresen despois da constitución da asociación.
- c) Socios/as de Honra, os que polo seu prestixio ou por contribuir de modo relevante á dignificación e desenvolvemento da asociación, fáganse acreedores de tal distinción. O nomeamento dos socios/as de Honra corresponderá á Asemblea Xeral.
- d) Socios/as Colaboradores/as. Aquelas persoas físicas ou xurídicas que desexen colaborar de maneira desinteresada con GRUMICO mediante a súa participación ou mediante achegas económicas. Os/as socios/as Colaboradores/as non son titulares de obrigas nin de dereitos.

Artigo 25.- Os/as socios/as causarán baixa voluntaria ou forzosa:

- a) Baixa voluntaria: renuncia voluntaria comunicada por escrito á Xunta Directiva.
- b) Baixa forzosa por causa ou disposición legal.
- c) Baixa forzosa por expulsión a causa de:
 - Incumprimento grave do previsto nos presentes Estatutos.
 - Incumprimento das obrigas económicas derivadas do uso dos servicios ou actividades da asociación.
 - Deixar de satisfacer a cota anual.
 - Calquera actuación en contra dos principios, fins ou intereses da asociación.
 - Non poñer a disposición de GRUMICO a información ou documentación requerida polos órganos de goberno.

Artigo 26.- Os/as socios/as de Número e Fundadores/as terán os seguintes dereitos:

- a) Tomar parte en cantas actividades organice a asociación e nos servicios dos que dispoña en cada momento. Calquera excepción con respecto ao uso e disfrute das actividades da asociación deberá ser aprobada pola Xunta Directiva.
- b) Participar nas Asembleas con voz e voto, a excepción do suposto recollido no artigo 17.d. no que deberán abstenerse.
- c) Ser electores e elixibles para os cargos directivos.
- d) Recibir información sobre os acordos adoptados polos órganos da asociación, sobre o seu estado de contas e o desenvolvemento da súa actividade.
- e) Acceder a toda a documentación da Asociación nos termos previstos na Lei Orgánica 15/1999 de protección de datos persoais.
- f) Ser apoiados/as por GRUMICO nas iniciativas que se estimen oportunas.
- g) Impugnar os acordos dos órganos da asociación que estime contrarios á Lei ou aos Estatutos.
- h) Ter copia destes estatutos
- j) Ser escoitado/a con carácter previo á adopción de medidas disciplinarias contra él/ela.

Artigo 27.- Os/as socios/as Fundadores/as e de Número terán as seguintes obrigas para poder ser considerados/as socios/as de pleno derecho:

- a) Cumprir os presentes estatutos e os acordos válidos das Asembleas e a Xunta Directiva.
- b) Aboar as cotas que se fixe dentro do prazo establecido.
- c) Asistir ás Asembleas e demáis actos que se organicen.



- d) Desempeñar, se é o caso, as obrigas inherentes ao cargo que ocupen.
e) Actuar de maneira acorde cos valores de GRUMICO.
f) Contribuir ao sostemento de GRUMICO aportando os medios necesarios dacordo co establecido pola Asemblea Xeral ou a Xunta Directiva.
g) Manter absoluto segredo sobre os datos que coñecesen como consecuencia da información adquirida en GRUMICO.

Artigo 28.- Os/as socios/as de Honra terán as mesmas obrigas que os/as Fundadores/as e de Número a excepción das previstas nos apartados B) e D), do artigo anterior.

Así mesmo, terán os mesmos dereitos a excepción dos que figuran nos apartados C) e D) do artigo 26, podendo asistir ás Asembleas sen dereito de voto.

Artigo 29.- Os recursos económicos previstos para o desenvolvimento dos fins e actividades da asociación serán os seguintes:

- a) As cotas de socio, periódicas ou extraordinarias.
- b) As subvencións, doazóns, donativos, legados ou heranzas que puidesen recibir de forma legal por parte dos/as asociados/as ou de terceiras persoas.
- c) Os bens propios, móveis e inmóveis.
- d) O rendemento do seu patrimonio.
- e) Calquera outra achega que obteña para ser destinada ao cumprimento dos seus fins.

Artigo 30.- O patrimonio inicial ou Fondo Social da asociación é de 721.21 euros.

Artigo 31.- O exercicio associativo e económico será anual e o seu peche terá lugar o 31 de Decembro de cada ano.

Artigo 32.- Impugnacións.

1. As impugnacións que se formulen respecto das convocatorias, tanto da Asemblea Xeral como da Xunta Directiva de GRUMICO, poderán realizarse con carácter previo a estas cando se trate de cuestións relacionadas coa propia convocatoria ou coa competencia dos asuntos propostos na orde do día e, agás que a Presidencia estime a existencia de errores ou vicios que poidan motivar a anulación da convocatoria, deberán ser resoltas ao comezo da reunión.
2. Os acordos da Xunta Directiva poderán ser impugnados diante da mesma no prazo máximo de quince días dende que tiveran coñecemento de dito acordó os/as ausentes na reunión. Aqueles/as que estiveran presentes disporán do mesmo prazo sempre e cando salvan expresamente o seu voto.
3. Sen prexuízo das impugnacións, os acordos da Asemblea Xeral e da Xunta Directiva son executivos agás que ditos órganos acorden a súa suspensión.
4. Os acordos adoptados na Xunta Directiva resolvendo impugnacións poderán ser recorribles diante da Asamblea Xeral no prazo de quince días.
5. A impugnación dos acordos da Asamblea Xeral, incluidos os que resolvan impugnacións de acordos da Xunta Directiva, substanciaranse diante dos tribunais da xurisdicción ordinaria na forma e prazos que a Lei determina.

Artigo 33.- Cotas.

As cotas serán dos seguintes tipos:

- a) Ordinaria anual, que será satisfeita na proporción que estableza a Xunta Directiva.
- b) Extraordinaria, na que a contía e condicións serán fixadas pola Asemblea Xeral cando as circunstancias o requiran.

As cotas deberán ser aboadas no prazo dun mes a partir da aprobación do orzamento anual correspondente, ou ao terminar o prazo fixado cando fosen extraordinarias.



A Xunta Directiva poderá acordar medidas disciplinarias para os/as socios/as que, nos prazos previstos no parágrafo anterior, e sen causa xustificada non aboaran as cotas. Así mesmo, quen á celebración da Asemblea Xeral non aboara a cota correspondente ao ano anterior, perderá o seu dereito a voto na mesma.

A persistencia na falta de pago das cotas poderá ser causa de perda de dereitos sobre o uso e disfrute dos servizos e actividades propios da entidade ou/e causa de expulsión. Sen embargo, a Xunta Directiva poderá outorgar moratorias ou dispensar o pago total ou parcial das cotas fixadas nos casos nos que as circunstancias o aconsellen.



CAPITULO V DISOLUCIÓN

Artigo 34.-Poderá disolverse por unha das seguintes causas:

- a) Polas causas determinadas no artigo 39 do Código Civil.
- b) Por sentencia xudicial firme.
- c) Voluntariamente cando así o acorde a Asemblea Xeral Extraordinaria, convocada ao efecto, por unha maioría de 2/3 dos/as asociados/as con dereito a voto.

Artigo 35.- No caso de disolución, nomearase unha Comisión Liquidadora que unha vez extinguidas as débedas, e se existise sobrante líquido, poderá destinalo únicamente a entidades con fins similares aos de GRUMICO, que non desvirtúen a natureza non lucrativa da asociación (concretamente a fins análogos con interese na provincia e o municipio da Coruña). Igualmente establecese expresamente a irrepartibilidade do seu patrimonio agas a favor de entidades do mesmo carácter para dar cumprimento ao disposto no artigo 10.1.c) do Decreto 200/2005 do 7 de xullo.

DISPOSICION ADICIONAL

En todo canto non este previsto nos presentes estatutos, aplicarase a vixente Lei orgánica 1/2002, de 22 de marzo, reguladora do derecho de asociación, e as disposicións complementarias.

D./ Francisco Javier Castro García, secretario da asociación á que se refiren estos estatutos,

CERTIFICA:

Que os presentes estatutos foron modificados para adaptalos ós acordos da asemblea xeral extraordinaria da asociación de data 23 de abril de 2016.

Na Coruña a 23 de abril do 2016

Asdo.:
O PRESIDENTE
D. Francisco Javier Mouriño Grandio

Asdo.:
O SECRETARIO
D. Francisco Javier Castro García



INSCRIPCIÓN DE MODIFICACIÓN ASOCIACIÓN N° 715-12

Inscrita a la modificación por resolución do ... 6 ...
de Xuno de 2016
soamente para os efectos de publicidade de
conformidade co artigo 22 da Constitución e artigo
16 da L.O. 1/2002

O/A responsable do Rexistro